

Per ina soluziun federala

Luca Tenchio giavischa engaschi dal chantun per ina assicuranza da terratrembels

■ (anr/ac) Il deputà Luca Tenchio (pcd Cuira) ha inoltrà ina incumbensa che pretenda dal chantun Grischun da realisar ina iniziativa chantunala cun la finamira dad introducir ina assicuranza da donns da terratrembels sin plaun federal. Per il deputà èn terratrembels privels da la natira cun il pli grond potenzial da donns. En sia incumbensa inoltrada a chaschun da la sessiun passada fa il deputà *Luca Tenchio* (pcd Cuira) attent al grond potenzial da donn chaschunà da terratrembels, malgrà che tals succedian sulet sporadicamain. Il deputà menziuna parts dal chantun Grischun cun ina periclitaziun media pertutgant terratrembels, per l'Engiadina schizunt ina pli auta. L'incumbensa regorda al pli grond terratrembel succedì en il chantun Grischun l'onn 1295 en il conturn da Churwalden. Ina stremlida sumeglianta a la fermezza dal terratrembel d'avant 600 onns chaschunass ozendi en il chantun Grischun donns da 12 milliardas francs. Donns purtads sulet per ina pintga part dal pool existent per donns da terratrembels. In dals motivs per Tenchio da pretender via incumbensa dal chantun Grischun da lantschar ina iniziativa dal chantun per intimar l'assemblea federala dad elavurar ina proposta costituziunala che lubescha l'introducziun dad ina assicuranza da terratrembels per l'entira Svizra.

Cun ina participaziun da la confederaziun e cun premias supportablas per ils possessurs dad edificis. Intimà il deputà da s'engaschar per ina assicuranza da terratrembels ha il fatg che las stentas dals chantuns da realisar ina soluziun per ina assicuranza da terratrembels ha fatg nau-



Il deputà Luca Tenchio (pcd Cuira) vul lantschar ina iniziativa chantunala per intimar la confederaziun da realisar ina assicuranza da terratrembels.

MAD

fragi. Sulet 13 chantuns han exprimì la prontadad dad sustegnair ina soluziun dad ina assicuranza sin basa dad in concordat dals chantuns. Diesch chantuns han refusà per plirs motivs ina assicuranza da terratrembels cuminaivla e trais chantuns, tranter quels er il chantun Grischun, han bain refusà da principi la soluziun da concordat, han dentant an-

nunzià da vulair sa participar al concordat sche quel vegnia realisà. En vista a quella opiniun da la regenza grischuna en chausa assicuranza da terratrembels dastgan ins esser spanegià sin la resposta da la regenza sin l'incumbensa dal deputà Tenchio. E sch' il cussegl grond è la fin finala pront da sustegnair la pretensiun per ina iniziativa chantunala.